

**CONVENIO DE COLABORACIÓN ENTRE O CONCELLO DE PONTE CALDELAS E
O "CEIP MANUEL CORDO BOULLOSA"**

Ponte Caldelas, a 21 de xullo de 2016

Reunidos,

Dunha parte Don Andrés Díaz Sobral, Alcalde do concello de Ponte Caldelas.

Doutra parte D. Manuel Barreiro Martínez, con DNI 35.295.981C, en calidade de director do "CEIP Manuel Cordo Boullosa", con número de CIF Q8655064G, con domicilio a efectos de notificacións en C/Concepción Arenal, s/n-36820 Ponte Caldelas

Ámbolos dous recoñécense con capacidade suficiente para convir e subscribir o presente convenio:

CONSIDERAN

1.- Que as Administracións poden celebrar convenios de colaboración ó amparo do disposto no artigo 7 da Lei 30/1992 de Réxime Xurídico das Administracións Públicas e do Procedemento Administrativo Común.

2.- Que en virtude do establecido no orzamento do Concello para o ano 2016 prevese a aportación a esta entidade dunha subvención de carácter nominativo, para fomentar a realización de actividades complementarias do "CEIP Manuel Cordo Boullosa".

3.- Que de acordo co establecido na Lei Xeral de Subvencións, é preciso a realización do oportuno convenio entre a entidade beneficiaria e o Concello de Ponte Caldelas, no que se regulen o réxime xurídico aplicable, sen prexuízo do establecido na devandita Lei.

4.- Que da reunión celebrada entre ambas partes acordouse aportar como subvención nominativa polo Concello de Ponte Caldelas a cantidade de 400 € no ano 2016, para axudar a sufragar os custes que lle ocasiona á mencionada asociación a realización de actividades complementarias.

E por todo o anterior subscriben o presente Convenio coas seguintes:

CLAUSULAS

1º OBXECTO DA SUBVENCIÓN

I.- É obxecto do presente convenio a colaboración do Concello de Ponte Caldelas co "CEIP Manuel Cordo Boullosa" con fin de promover as actividades complementarias entre os alumnos do Colexio Manuel Cordo Boullosa.

II.- "CEIP Manuel Cordo Boullosa" é unha entidade dedicada a participar nas actividades complementarias ou outras para os que os requira o colexio, e na representación dos alumnos do Colexio Manuel Cordo Boullosa, sempre sen ánimo de lucro.

III.- Tanto o Concello como o Colexio Manuel Cordo Boullosa teñen fins comúns e, polo tanto, é preciso unha colaboración estreita que permita acadar unha mellor educación, cultura e lecer entre os alumnos do Colexio Manuel Cordo Boullosa.

IV.- O Concello de Ponte Caldelas comprométese a subvencionar ó "CEIP Manuel Cordo Boullosa" a cantidade máxima de **400,00 euros** (CATROCENTOS EUROS), para axudar a sufragar os custes que ocasiona a realización de actividades complementarias no curso 2015-2016, tendo dito colexio que presentar xustificación (mediante factura ou outro documento xustificativo) de ter gastado en tal fin unha cantidade igual á subvencionada.

A actividade obxecto da subvención, de acordo co establecido pola Lei Xeral de Subvencións pode estar xa realizada ou pendente de realizar pero sempre se levará a cabo dentro do curso 2015-2016.

V.- No momento da firma do presente Convenio xúntanse os documentos seguintes:

- Copia cotexada do NIF do Presidente, así coma do cargo que ocupa o asinante da subvención nominativa.
- Impreso de solicitude de subvención cuberto.
- Memoria das actividades desenvoltas ou a desenvolver.
- Orzamento de ingresos e gastos referidos a actividade subvencionada.
- Declaración responsable de non estar en ningún suposto de incapacidade ou incompatibilidade para percepción de subvencións ou axudas públicas e non concorren as causa do artigo 13 da LXS.
- Declaración doutras axudas ou subvencións para a mesma actividade solicitadas ou concedidas por calquera outra Administración ou ente público ou privado.
- Autorización para que o Concello, mediante o seu asesor, poida solicitar no seu nome certificados orixinais dos organismos competentes que acrediten estar ao corrente das obrigas tributarias coa Facenda Estatal, Facenda autonómica e fronte a Seguridade Social; e os certificados.

Obra en poder do Concello:

- C.I.F da entidade ou asociación e NIF do presidente, solicitante da subvención nominativa.
- Certificación bancaria do número de conta a nome da asociación por entidade beneficiada, no que se deba facer o ingreso da axuda correspondente

VI.- Esta subvención é compatible con outras subvencións, axudas, ingresos e recursos para a mesma finalidade, sempre e cando non financien no seu global máis que o gasto realizado.

2ª GASTOS SUBVENCIONABLES

Consideraranse gastos subvencionables aqueles que de maneira indubitada respondan á natureza da actividade subvencionada, e se realicen no prazo establecido, e en todo caso os seguintes:

Gastos de realización de actividades complementarias

En ningún caso serán gastos subvencionables:

- a) os xuros debedores das contas bancarias
- b) xuros, recargas e sancións administrativas e penais
- c) os gastos de procedementos xudiciais
- d) os impostos indirectos cando sexan susceptibles de recuperación ou compensación.

e) impostos persoais sobre a renda

3ª PAGOS PARCIAIS

Dacordo co artigo 34.4 da lei 38/2003, Xeral de subvencións, e o artigo 31.6 da Lei se subvencións de Galicia, poderán concederse pagos parciais a medida que o "CEIP Manuel Cordo Boullosa" realice xustificacións parciais, en base ó establecido na base 4ª seguinte.

4ª XUSTIFICACIÓN E DOCUMENTOS ACREDITATIVOS DOS GASTOS

I.- A xustificación da subvención deberá de facerse conforme establece a Lei Xeral de Subvencións e o Regulamento da mesma, debendo presentar conta xustificativa coa seguinte documentación mínima:

- Facturas regulamentarias (con tódolos requisitos esixidos polo R.D 1496/2003). Declaración asinada polo responsable da entidade beneficiaria do cumprimento da finalidade para a que se outorgou a subvención.
- Xustificantes de pagamento das mesmas.
- Declaración asinada polo responsable da entidade beneficiaria, das subvencións solicitadas e/ou concedidas por outras administracións e para a mesma finalidade, referida neste caso a data de xustificación.
- Certificados de estar ao corrente coas obrigas tributarias e coa seguridade social.

A súa presentación realizarase como máximo **ata o 30 de novembro de 2016**

II.- O "CEIP Manuel Cordo Boullosa", obrígase a realizar as xestións oportunas para levar a termo ditas actividades complementarias, comprometéndose a destinalo importe da cantidade recibida do Concello de Ponte Caldelas ao fin indicado.

5ª OBRIGAS DA ENTIDADE BENEFICIARIA

I.-O "CEIP Manuel Cordo Boullosa" queda obrigado a cumprir como mínimo as seguintes obrigacións:

- 1º.- Levar a cabo unha correcta execución das actividades subvencionadas.
- 2º.- Xustifica-la execución das actuacións e a realización dos gastos conforme a este convenio e á normativa aplicable, como máximo antes do 15 de decembro do ano en curso e en todo caso antes do final de 2016.
- 3º.- Someterse ás actuacións de comprobación e control que se establecen na Lei Xeral de Subvencións.
- 4º.- Comunica-la obtención doutras subvencións ou axudas que financien a actividades subvencionadas.
- 5º.- Estar ó corrente coas súas obrigas tributarias e coa Seguridade Social.

A Intervención Municipal, comprobará, de oficio, que o "CEIP Manuel Cordo Boullosa", está ao corrente coa Facenda Municipal.

6º VIXENCIA DESTE CONVENIO

I.- O presente Convenio de colaboración terá vixencia ata o remate de todo o procedemento de fiscalización da xustificación da aplicación dos fondos percibidos en concepto de subvención e a aprobación da conta xustificativa presentada pola entidade beneficiaria, e en todo caso rexerá durante o ano 2016.

7ª CONTROL

I.- Para un mellor control do Concello, o “CEIP Manuel Cordo Boullosa”, estará obrigada a facilitar toda a información, no suposto de que lle sexa requirida pola Intervención Municipal no exercicio das funcións de fiscalización e control do destino das cantidades libradas, de conformidade cos termos regulados na Lei 38/2003.

II.- Procederá o reintegro total ou parcial das cantidades percibidas no suposto de incumprimento das condicións do presente convenio ou requirimentos de xustificación que poda face-la Intervención ou o órgano municipal competente.

As causas de reintegro serán as reguladas no artigo 37 da Lei Xeral de Subvencións e as cantidades a reintegrar terán a consideración de ingresos de dereito público, resultando de aplicación para a súa cobranza o previsto na Lei Xeral Orzamentaria.

8ª RESOLUCIÓN

I.- Son causas de resolución do presente convenio:

- A denuncia de calquera das partes
- O incumprimento total ou parcial das obrigas estipuladas por parte de calquera dos asinantes.

II.- Dada a natureza xuridico-pública do presente convenio, as controversias que puidesen xurdir na aplicación do mesmo, serán resoltas pola xurisdición contencioso administrativa.

III.- As partes asinantes declaran de obrigado cumprimento todo o consignado no presente convenio de carácter administrativo.

Dacordo coas bases expostas, asinan o presente convenio, no lugar e data citados inicialmente,

POLO CONCELLO
O Alcalde,

Asdo: Andrés Díaz Sobral

POLA ENTIDADE

Asdo: Manuel Barreiro Martínez